

Gvangjsih Minzczuz Bau

广西民族报 ganhhau: CN45-0036 B.2020 Nd.8 Ng.5 liggaeuq gengcej nienz ndwenloeg cibloeg

Baihguenjbanh: Gvangjsih
Bouxcuengh Swcigih Minzczuz
Cunghgyau Swvu Veijyenzvei
Biengauj okbanj: Gvangjsih
Minzczuz Bause
Geizsoq: Gungh daih 3435 geiz
Geiz neix 8 banj

Liujcouh Si Banh Aenban Bineix Son Vunz Riuzdoengh Siujsoq Minzczuz Haglienhdinfwngz Rox Cauhhong

7 nyied 29 hauh banhaet, aenban bineix son vunz riuzdoengh siujsoq minzczuz haglienhdinfwngz rox cauhhong de hai ban, aenban neix youz Liujcouh Si Minzczunghvej guhdaeuz banh, Liujcouh Si Daihgeih Cizyez Yozyau okrenghz banh, gungh guh 4 ngoenz. Gungh miz 23 boux gak minzczuz ginzung daeuj ndaw ban neix hag dinfwngz; gyoengqde youz aen si neix Cwngzcungh Gih, Yizfungh Gih, Liujnanz Gih, Liujbwz Gih, Liujdungh

Sinhgih caeuq Liujcouh Si Aenvenz Hezvei senj daeuj. Gyoengq bouxhag neix ndaej hag dinfwngz dajsiuq minzczuz caeuq aeu fwngz guh doenghyiengh minzczuz, guh cazyouz Duncuz caeuq guh gijgwn iq minzczuz.
Baih banh baez sonlienhdinfwngz neix naemj bae naemj dauq cix nda ndei hwnj gijmaz dangz, byawz hwnjdangz, yungh gijmaz sawson caeuq seizlawz hab guhmaz daengj. Baez sonlienhdinfwngz neix yienznaeuz dinj,

hoeng miz haujlai sawhag; youh miz lijlon sonyinx, youh miz doengh fwngz lienhguh, habngamj bouxhag caeuq hag daeuj miz yungh dangqmaz bae. Gyoengq bouxhag haenqrenghz aeu guhdaengz “doxhag doxson, doxbeij dinfwngz, guhdoiha gyaak bonjsaeh”, neix youh hawj gyoengqde lai ak cauhhong caeuq lai miz bonjsaeh baenzfouq, youh doinyoengx gak minzczuz doxgyau doxhag doxyungz.
(Cinz Conhvaz Liengz Gyahgyah)



Lungzswng: Dak Nandangdaenj Hoengz Doh Mbwn

7 nyied 30 hauh, youq Lungzswng Gak Cuz Swciyen Lungzci Cin Dacai Cunh, gyoengq mehmbwk Hungzyauz nyaengq dak ndangdaenj coq rog ranz. Ranzranz cungj dak doenghgij ndangdaenj hoengzyanyan nei, neix hawj ndaw mbanj hoengz dohdaengz bae. Caemh ngoenz neix, gyoengq vunz Hungzyauz dieg neix youq gyang mbanj yienj doenghgij cezmuz baenzroix miz daegsaek minzczuz—baudaengz dajsiuq, dajsan daengj, dazyinx haujlai vunz daeuj yawj. Ndaw doz dwg gyoengq mehmbwk dieg neix baijok dinfwngz guh ndangdaenj Hungzyauz.
(Veiz Gizyangz)

Binhyangz Yen Daezgonq Guhsat Gij Hanghmoeg Roengz Cienngaenz Hwngfat Siujsoq Minzczuz

Bi neix 1 nyied doxdaeuj, Cunghyangh, Swcigih, Nanzningz Si sam gaep caizcwngh gungh bued 275 fanh gij cienngaenz hwngfat siujsoq mizncuz hawj Binhyangz Yen. Aen yienhdinfwngz neix aeu gij cienz neix daeuj guh 13 aen hanghmoeg roengz cienngaenz hwngfat siujsoq minzczuz; ndawde 11 aen hanghmoeg dwg youq

ndaw cunh siujsoq minzczuz roxnaeuz cunh gungzhoj guh roensuijniz, 2 aen hanghmoeg dwg cauhyungh minzczuz doxgiet.
Binhyangz Yenvej Duncjan Bu (Minzczungh Giz) ciuq dieg naemjngeix, daengxbuenz anbaiz, haeujsim okrenghz guh hanghmoeg dahraix, suenq daengz 7 nyied sat, daengx

yienhdinfwngz 13 aen hanghmoeg neix guhbaenz liuxcaez caemhcai ndaw yienhdinfwngz niemhsou doenggyaq caez. Neix hawj vunz ndaw cunh siujsoq minzczuz roxnaeuz cunh gungzhoj mbouj you gvaq roen lo, okrenghz coengh aen yienhdinfwngz neix gunggeng duetgungz, doinyoengx ginghci hwngfat.
(Lanz Rui)

SIUSIK DINJ

● 7 nyied 30 hauh, Lozcwnghz Mulaujcuz Swciyen youq Sinhvaz Suhden banh baez doxdax doeg sei caeuq gangj gojgaeq minzczuz doxgiet, baez neix aeu “Cunghvaz Minzczuz ranz vunz ndeu caezhoz caemh laeb aen loqsiengj Cungguek” guh cawjdae. Baez hozdung neix youz aen yienhdinfwngz neix Minzczungh Giz guhdaeuz banh.
(Luz Yen)

● 7 nyied 29 hauh, Hocouh Si banh aenban (ban guhyiengh si gaep) son’ gyauc cienmonz guh ndei hong cunghgyau lajmbanj, gungh miz 116 bouxhag daeuj ndaw ban neix hag; gyoengqde dwg ndaw si neix gak yienhdinfwngz (gih) doengh bouxlienhdinfwngz haeh hong dungjan, cunghgyau ndaw cunh(segih lajmbanj).
(Cau Ginhbinh)

● 7 nyied 29 hauh, Yungzanh Yen Ciuyez Cunghsinh youq ndaw yienhdinfwngz Cangzanh Cin Ganghsinh Senjdieg Siujgih (aen siujgih vunz senjdieg comzyouq) son vunz hag dinfwngz, son sojmiz boux ranzgungzhoj lajmbanj guh ndaej hong de hag dinfwngz. Baez sonlienhdinfwngz neix mbouj sou cienzhag. Dangqnaj aenban daih’ it geiz son vunz hai vahgezgih (aenvatnamh) miz 25 boux ndaej hag gvaq.
(Vangz Yinz)

● Bi neix buenq bi gonq, Denzyangz Gih laeb ndei 159 aen “ranz lwngey” ndaw cunh, segih, neix couh guhdaengz ndaw gih segih aenaen cunh, cungj miz “ranz lwngey”, youq seizhanh gaxgonq guhsat hong dajsueng.
(Vangz Gozsun)